

դրականության և մշակույթի պատմության հարցերը հնագույն ժամանակներից մինչև մեր օրերը իրենց պատշաճ տեղն ունեն ինստիտուտի գործունեության մեջ: Իրանք արտահայտվում են այնպիսի թեմաների մեջ, ինչպես՝ ուրարտա-խուրիտական լեզվական ընդհանրությունները, որը կազմի հետազոտելու մեր լեզվի մեջ դեռևս չմեկնարանված բառապաշարը և բացահայտելու ուրարտա-հայկական և խուրիտա-հայկական պատմամշակութային որոշ կապեր: Ավարտվել է խեթա-հայկական ընդհանրությունները թեման, շարունակվում են ուսումնասիրությունները խեթերեն լեզվի բառապաշարի և հինարևելյան լեզուների մի շարք խնդիրների վերաբերյալ:

Քրդագիտությունը կատարել է զգալի առաջընթաց, մշակելով կարևոր հարցեր ու պրոբլեմներ լեզվի, պրականության, ազգագրության և պատմության բնագավառներում: Բոլոր վերոհիշյալ և զեկուցման մեջ շնչված, սակայն ոչ պակաս կարևոր ուսումնասիրությունները 20 տարում ամփոփվել են ամսիկի քան 80 մենագրություններում ու ժողովածուներում: Դրանցից հինգը թարգմանվել և լույս են տեսել օտար լեզուներով, արտասահմանում: Մեր հրատարակություններում կարևոր տեղ են գրավում մատենաշարով լույս տեսնող «Մերձավոր և Միջին Արևելքի երկրներ և ժողովուրդներ» (հրատարակվել են 10 գրքեր), «Հին Արևելք» (3 գիրք)

և նոր հրատարակվող «Կովասը և Բյուզանդիան» ժողովածուները:

Ունենալով անցյալ 20 տարիների փորձը, ինստիտուտի գիտական կոլեկտիվը ի վիճակի է առաջադրել և լուծել մի շարք կարևոր խնդիրներ և ստեղծել ու զարգացնել նոր ուղղություններ: Անհրաժեշտ է ամենից առաջ ամրապնդել Թուրքիայի բաժինը, որպեսզի նա իր մյուս աշխատանքներին դուրսհանա կարողանա զեկավարել «Հայաստանը և հայերը Օսմանյան կայսրության մեջ» խոշոր պրոբլեմի մշակումը: Որպեսզի հետ շմանք ժամանակակից արևելագիտության զարգացման մակարդակից, մեզ անհրաժեշտ է պատրաստել տնտեսագետների, առցիկոլոգների, կուլտուրայի պատմության մասնագետների, ինչպես նաև Հին Արևելքի և միջնադարի առանձին պրոբլեմների գծով նոր, երիտասարդ կադրեր:

Գիտխորհրդի ընդլայնված նիստում շնորհավորական ելույթներ ունեցան ու ապագա անելիքների մասին իրենց կարծիքները հայտնեցին ակադեմիկոսներ Ս. Տ. Երեմյանը, Մ. Գ. Ներսիսյանը, Լ. Ս. Խաչիկյանը, պատմության ինստիտուտի դիրեկտորի տեղակալ, պրոֆ. Վ. Բ. Բարխուդարյանը, Գ. Տիրացյանը և Պ. Մուրադյանը: Գիտական խորհրդի նիստն ամփոփեց ինստիտուտի դիրեկտոր Գ. Խ. Սարգսյանը:

Հ. ԳՐԻԳՈՐՅԱՆ

ԽԱՉԱՏՈՒՐ ԱՐՈՎՅԱՆԻ ՔԱՐՏԵԶԱԳՐԱԿԱՆ ԱՇԽԱՏԱՆՔՆԵՐԸ

Հայտնի է, որ Արովյանը Դորպատում սովորելու ժամանակ (1830—1835) ստացել էր լուրջ աշխարհագրական գիտելիքներ, Ֆ. Պարրոտի ղեկավարությամբ կառուցել հայագիր ուսումնական գլոբուս և ճանապարհորդել Մերձբալթիկայում, իսկ հետագա տարիների ընթացքում (1838—1847) մասնակցել դեպի Հայաստան կազմակերպված բոլոր գիտական սրշավախսերին: Հատկանշական է, որ ուղևորություններից հետո նա գրել է արժեքավոր աշխատություններ, մի մասը հրատարակել և դրանց շնորհիվ դեռ իր կենդանության օրոք հայտնի եղել «Իբրև հայրենիքը լավ ճանաչող և դեպի գիտությունները սեր ունեցող»՝ ուսու-

ցիչ: Իացր աղ. որպես աշխարհագրություն դասավանդող նա անհրաժեշտ ուշադրություն է դարձրել քարտեզների օգտագործման վրա, տարեցտարի հարստացրել Թիֆլիսի, այնուհետև Երևանի գավառական ուսումնարանների գրադարանները նոր հրապարակված պատի քարտեզներով ու ատլասներով²: Հասկանալի է, որ աշխարհագրության այսպիսի ուսուցիչը, որի ամենօրյա կյանքում ու աշխատանքային գործունեության մեջ աշխարհագրական ինֆորմացիաներն այդքան խոշոր դեր են խաղացել, չէր կարող գժազրած չլինել սեփական քարտեզներ: Բարբրախտարար պահպանվել են դորպատյան շրջանում նրա գնացրած երեք քարտեզները՝ Վերամտյան կիսագնդի, Արևելյան Հայաստանի և Հյուսիսային բարեխառն գոտու:


Արևմտյան կիսագնդի քարտեզը (նկ. 1) գտնվում է Արովյանի արխիվի չհրապարակված

¹ Տե՛ս Անդրկովկասյան ուսումնարանների վեյտատեսչության 1844 թ. մարտի 18-ի № 401 լրույթները ուղղված Խ. Արովյանին, անվանի երկրաբան Հ. Աբիխի ուսումնասիրություններին մասնակցելու մասին (Հայկ. ՍՍՀ պետական, կենտրոնական պատմական արխիվ, ֆ. 1, ց. 1, գ. 780, թ. 1—2):

² Տե՛ս, օրինակ, Երևանի գավառական ուսումնարանի գրադարանի 1849 թ. գրքերի ցուցակը (նույն տեղում, գ. 1733, թ. 16—20):

տնտրակներից մեկում: Տնտրակի թուղթը, որի վրա գծագրվել է քարտեզը, հաստ է, ամուր, գորշագույն: Քարտեզը գծագրված է սև թանաքով: Պահպանվել է լավ: Ներքին տրամագիծը 126 մմ է, իսկ արտաքինը՝ 136 մմ: Անկասկած ալն կազմվել է ուսումնական նպատակներով:

գծագրված են մոտավոր ճշտությամբ, իսկ Հյուսիսային Ամերիկայի և Դրենյանի ընկած շրջանում, քանի որ չկան անհրաժեշտ տվյալներ, այն ժամանակներում դեռ բավարար չէր ընդհանուր գծագրված լինելու պատճառով։ Ինչպես նաև չկան պատկերներ, որոնք ցուցաբերում են տեղագրվել



Pl. 1

Հասարակածային առանցքի վրա, որը շարունակվում է դեպի աջ և դեպի ձախ, լավ են երեվում հեղինակի կողմից կատարված հատուկ նշանները կարկինի սուր ծայրը դնելու համար: Դեռ ավելին, զլխավոր այդ կետերը անվանել է տառերով, հավանաբար նույն աշխատանքները հայրենիք վերադառնալուց հետո աշակերտների հետ կրկնելու նպատակով: Նման նշումներ կարելի է նկատել նաև քեռային առանցքի շարունակությունների վրա: Հյուսիսային և Հարավային Ամերիկաների ուղղագծերը

նաև հաղաղ ու Ատլանտյան օվկիանոսների խոշոր կղզիները: Ատլանտյան օվկիանոսում ցույց են տրվել Ազորյան կղզիները և Կանարյան կղզիներից Ֆերրոն, հաղաղ օվկիանոսում՝ Սանդվիչյան, Մարշալյան, Նոր Հիբրիդյան կղզիները, Նոր Կալեդոնիան և Նոր Զելանդիան: Քարտեզն Վրա միջօրեականները և զուգահեռականներն անց են կացվել ամեն մի 15 աստիճանի վրայով: Սկզբնական միջօրեականն անց է կացվել ոչ թե Գրինվիչով, ինչպես ընդունված է այժմ, այլ Ֆերրո կղզու վրայով:

Քննարկվող քարտեզը պատկերազարդում է տնտրակի ճեղքում և քարտեզ՝ վերնագիրը կողմ պարագրաֆը: Սրան է կցված Արմավյանի ձեռքով ստվարաթղթից պատրաստված սեգ-

3 Ե. Զարենցի անվան զրականության և ար-
ժէաստի թանգարանի (ԳԱԹ), Խ. Արսլյանի ար-
խիվ, Ն. 136, Բ. 2—3:

մենտի նմուշատիպը, որի կառուցման հարցին շատ տողեր են հատկացվել դորպատյան օրագրերում: Բայց սեզմենտը սխալ էր գծագրվել. «...են ցուցանեմ բարերարին ղկազմեալ մասունս գնդին. նա շափէ, և գտանէ ըստ ամե-



Նկ. 2

նայնի անկանոն»⁴: Սեզմենտի ճիշտ գծագիրը բերված է մեկ ուրիշ շհրապարակված տետրակի «Շարժումն ամենայն մոլորակաց» տեքստի մեջ⁵: Նոր նմուշատիպի միջոցով կառուցվել էր փոխադրված և սոսնձվել «կավե գնդի» վրա: Աշխատանքների վերջին փուլում տեղադրվել են ներկվել էին աշխարհագրական օբյեկտները: Տեսնելով պատրաստի գլոբուսը, Ֆ. Պարրոտը բացականչում է. «Ահա առաջին գունդն երկրի, գրեալ հայերէն տառիւք»⁶: Գլոբուսի կառուցման աշխատանքները տեւել են երեք և կես ամիս՝ 1831 թ. հոկտեմբերի 4-ից մինչև 1832 թ. հունվարի 20-ը: Ա՝ 2 նկարի վրա պատկերված է Արովյանի տետրակների տվյալների և նրա կազմած Արևմտյան կիսագնդի քարտեզի հիման վրա կառուցված գլոբուսի մոդելը:

Դորպատյան օրագրերը վկայում են, որ գլոբուսի կառուցման աշխատանքները դեռ չավարտած Արովյանն իր նախաձեռնությունը գծագրում է նաև Արևելյան Հայաստանի քարտեզը (Նկ. 3) և ցույց է տալիս իր ուսուցչին: Բայց Պարրոտը գտնում է այն անժամանակ. «1832 թ. 3 յունվարի: Պարրոտ: Յառաջատուն 8-րորդում ժամու տանիմ զժամանակագրութիւն առ բարերարն իմ և զկարտն Հայաստանի, զորս կամէի

նկարել. վասն առաջնոյն շնորհակալի. վասն յերկրորդին արգելէ ինձ ձեռնարկել յայնպիսի իրս ազի դժուարին է, ասէ, այս ձեզ և դուք կորուսեալ զժամանակն, ոչինչ շա.իք. յապագան կարէք նկարել զայնս: Հիշյալ քարտեզը նույնպես պահպանվել է և գտնվում է վերը նշված տետրակներից մեկում, Արևմտյան կիսագնդի քարտեզի հետ միասին: Քարտեզի չափսերն են՝ 72X99 մմ, գծագրված է սև թանաքով և լավ է պահպանված:


Ինչն է դրդել Արովյանին գծագրել այդ քարտեզը: Ինչպիսի՞ քարտեզներից է նա օգտվել այն կազմելիս: Հնարավոր է, իհարկե, որ նա լինվել է սոսկ իր հիշողությունների վրա: Սակայն հայտնի է, որ Դորպատում սովորելու տարիներին նա ձգտել է գտնել իր հայրենիքի վերաբերյալ տվյալներ, օտարերկրացիների նկարագրություններ, հրապարակի վրա եղած տարբեր լեզուներով գրված գրքեր: Բացի այդ, նա համապատասխան նյութեր է նախապատրաստում հայրենիք վերադառնալուց հետո ուսումնական նպատակներով օգտագործելու համար: Գուցե Արևելյան Հայաստանի քարտեզը պետք է պատկերազարդեր նրա որևէ աշխատությունը: Երևում է, որ այս քարտեզը գծագրվել է ինքնուրույն, առանց Պարրոտի ղեկավարության կամ օգնության: Հետևաբար նա արդեն ուներ այնքան աշխարհագրական գիտելիքներ, որ համարձակվել էր ինքնուրույն դիմել այդ քայլին և բերել քարտեզը ուսուցչի տուն:

Այս քարտեզը ևս գծագրված է սխեմատիկ ձևով, բայց ունի աստիճանացանց և համապատասխան պայմանական նշաններ: Նկատելի է հեղինակի ձգտումը աշխարհագրական երկայնության և լայնության աստիճանները ստորաբաժանել ավելի մանր մասերի: Բավական ճիշտ և մանրամասն է ներկայացված հիդրոգրաֆիկ ցանցը՝ Արաքսը բոլոր իր գլխավոր ձախ վտակներով և Սևանը: Նշված են Ախուրյան, Ապարան (Քասաղ), Զանգու, Ազատ և Արփաշայ գետերը (Ախուրյանը և Ազատը չեն մակագրված): Արովյանը փորձում է ցույց տալ նաև օրոգրաֆիան. նա հատուկ պայմանական նշանով պատկերել է Արարատի ու Ալագյազի (Արագած) լեռնային զանգվածները և Գեղամա ու Վարդենիսի լեռնաշղթաները: Բնակավայրերից նշված են Երևանը (աստղաձև նշանով), Բայազետը և Կաղզվանը: Ընդունված պայմանական նշաններով գծված են պետական սահմանները: Հավանաբար քարտեզի հիմնական նպատակն է եղել ցույց տալ վարչաքաղաքական նոր փոփոխությունները. Արևելյան Հայաստանը մտցված է «Ռուսական երկրի» մեջ, իսկ հա-

⁴ «Երկերի լիակատար ժողովածու», հատ. Ե, էջ 31:

⁵ ԳԱԹ, Խ. Արովյանի արխիվ, № 134, թ. 4:

⁶ «Երկերի լիակատար ժողովածու», հատ. Ե, էջ 135:




Նկ. 3

թեան երկրներից նշված է միայն Պարսկաստանը:

Սխեմատիկ բնույթ ունի և երրորդ՝ Հյուսիսային բարեխառն գոտու քարտեզը (նկ. 4): Նրա երկարությունը 236 մմ է, իսկ լայնությունը՝ ընդամենը 32 մմ: Ինչպես և նախորդ

մոտավոր: Այնուամենայնիվ հեշտությամբ կարելի է կոահել քարտեզի նպատակը. ցույց են տրվում Հայաստանի տեղն ու դիրքը երկրագնդի վրա, նույն աշխարհագրական լայնության վրա գտնվող Հարավային Նվրոպայի երկրները, միջին և կենտրոնական Ասիան, Ճա-



Նկ. 4

քարտեզները, սա էլ գծագրված է սև թանաքով, համեմատաբար հաստ և զորշագույն թղթի վրա, բայց պահպանվել է ոչ այնքան լավ: Այն կցված է «Հայրենի բնություն» խորագիրը կրող նույնպես չհրապարակված տետրակներից մեկին⁸: Քարտեզը ընդգրկում է մոտավորապես Հյուսիսային լայնության 20-ից մինչև 60 աստիճանը: Ի տարբերություն երկու նախորդ քարտեզների, այն աստիճանացանց չունի: Աշխարհամասերի ուրվագծերը գծագրված են շատ

սլոնիան. Հյուսիսային Ամերիկայի կենտրոնական շրջանները: Մակագրված են Ֆրանսիան, Գերմանիան, Ռուսաստանը, Մոնղոլիան, Մեծ օվկիանոսը, Հյուսիսային Ամերիկան և Ատլանտյան օվկիանոսը:

Ուսումնառության տարիներին Արովյանի պատրաստած այս բոլոր քարտեզները ապացուցում են, որ առանց համապատասխան քարտեզների նա չի պատկերացնում աշխարհագրության դասավանդումը: Օրինակ՝ Երևանի գավառական ուսումնարանի զործերն ընդունելիա, 1843 թ. սեպտեմբերի 4-ին, նախկին դիրեկտոր

⁸ ԳԱԹ, Խ. Արովյանի արխիվ, № 128:

Ֆ. Ա. Խաչիֆոտովի ներկայությամբ անցկացրած բնություններից հետո Արովյանի գրած հեկուցագրում կարդում ենք. «Առաջին բաժանմունքում անցել են մաթեմատիկական աշխարհագրություն, առանց մեկնարանումների, առանց գլոբուսի, նույնիսկ առանց քարտեզների: Երկրորդ բաժանմունքում ի վիճակի չեն քարտեզի վրա զանազանել չինգ աշխարհամասերը կամ օվկիանոսները կամ եվրոպայի քաղաքական բաժանումը»⁹: Եվ Արովյանը սկսում է ոչ միայն կանոնավոր օգտագործել ուսումնարանում եղած քարտեզները, այլև անընդհատ հարստացնում է գրադարանը նոր հրատարակված քարտեզներով ու ատլասներով: Պահպանվել են մի քանի անդորրագրեր և նամակներ՝ Թիֆլիսից, Պետերբուրգից և այլ քաղաքներից քարտեզներ ու ատլասներ դուրս գրելու վերաբերյալ: Երևանի գավառական ուսումնարանի գրա-

դարանի 1849 թ. գրքերի ցուցակից¹⁰ պարզվում է, որ Արովյանն իր դասերին օգտագործել է հինգ մեծադիր քարտեզներ և վեց տարբեր ատլասներ:

Արովյանի վերոհիշյալ գործերը վկայում են ինքնուրույն նրա ստացած աշխարհագրական, մասնավորապես քարտեզագրական գիտելիքների մասին: Արևելյան Հայաստանի քարտեզը ցույց է տալիս նաև նրա յասուն հայրենագիտական գիտելիքները:

Արովյանի՝ առաջին անգամ հրապարակվող այս քարտեզները խոսում են այն մասին, որ մեր մեծ լուսավորիչը գիտեր աշխարհագրական սխեմատիկ քարտեզներ գծագրել և աշխարհագրական ուսումնական գլոբուսներ պատրաստել և ծառայեցնել դրանք մատաղ սերնդի կրթության ու դաստիարակության վեհ նպատակներին:

Փ. Ի. ԴԱՆԻՆ

ԽԵՑԵՂԵՆԻ ԹՐԾՄԱՆ ՀՆՈՑ ԴՎԻՆԻՑ

Հայաստանի երբեմնի մայրաքաղաք Դվինի միջնաբերդի ստորին հատվածը քաղաքի առավել բնակեցված տեղամասերից է եղել: Այն ընդգրկել է հարավ-արևմուտքից զեպի հյուսիս-արևելք 450 մետր երկարությամբ և 300 մետր լայնությամբ տարածություն: Դարավանդաձև կառուցված բնակարաններում, ըստ պատմական տվյալների, ապրել է քաղաքի վերնախավը: Սակայն վերջին տարիների պեղումների հետևանքով բացված արհեստավորական թաղամասերը վկայում են, որ այստեղ ապրել են նաև արհեստավորներ, որոնք իրենց արտադրանքով բավարարել են տեղի բնակչության առօրյա կարիքները:

Պայմանականորեն նշանակված քառակուսիներում՝ տարածությամբ $7,25 \times 8,50$ մետր, 1976 թ. պեղումների ընթացքում բացվեցին բնակարաններ և նրանց կից տնտեսական նշանակություն ունեցող շինություն, որի պատերը շարված են ոչ շատ խոշոր, անկանոն գետաքարերով: Միջնապատերը քանդված են: Համեմատաբար լավ է պահպանված արևմտյան հում աղյուսե պատը, որը կցվել է հետագայում, տարածքը լայնացնելու նպատակով: Այն ուղիղ գծով կապվում է կողքի շինության հետ, որի

մուտքն արևմտյան կողմում է²: Ամենայն հավանականությամբ նույն կողմում պետք է լինի ուսումնասիրվող համալիրի մուտքը, քանի որ այստեղով է անցել թաղամասի գլխավոր փողոցը: Ստորին բերդի այս հատվածի վերին շերտը պեղվել է դեռևս 1952 թ.³:

1976 թ. վերսկսված աշխատանքների ընթացքում, նույն տարածքի հաջորդ շերտում, բացվեցին շորս տարբեր տրամագծերի բավակա-

¹⁰ Նույն տեղում, գ. 1733, թ. 16—20:

² Ա. Ժամկոչյան, Դվինի ստորին բերդի պեղումները (թեզիսներ), Երևան, 1977, էջ 36:

³ 1952 թ. դաշտային գրառումներից (դաշտային օրագրերը պահվում են ՀՊՊՖ ֆոնդում) պարզվում է, որ այստեղ բացվել է քառակուսի աղյուսե օջախ և հացատան սյան խարխուլ: Այժմ այդ վերին շերտից մնացել են միայն 2 քառ. մ մակերես ունեցող, մեկ մետր բարձրությամբ տնտեսական ինչ-որ նպատակի ծառայող սենյակի հետքեր: Այս շերտի վրա դեռևս պահպանված հում աղյուսե պատերով օջախատիպ քառանկյունի կառույցը, նրա կողքին ձագարանման 36 սմ խորությամբ փոսիկը (որը քարերով շարված և երեսապատված է), ինչպես նաև թրձած աղյուսներով շարված հատակը վկայում են, որ հետագայում էլ տարածքը ծառայել է տնտեսական նպատակի:

⁹ ՀՍՍՀ ՊԿՊԱ, ֆ. 1, ց. 1, գ. 70, թ. 7:

¹ Կ. Գ. Ղաֆադարյան, Դվին քաղաքը և նրա պեղումները, Երևան, 1952, էջ 24: